



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**De Monstris Et Monstrosis, Qvam Mirabilis, Bonvs, Et  
Ivstvs, In Mvndo Administrando, Sit Devs, Monstrantibvs**

**Stengel, Georg**

**Ingolstadij, 1647**

§. 13. Caput S. Ioannis Baptistæ in ferale conuiuium illatum capite  
saltatricis vindicatur.

[urn:nbn:de:hbz:466:1-51168](https://nbn-resolving.org/urn:nbn:de:hbz:466:1-51168)

petiuit, Theodoricus? Sed diuinitus eo in-  
scio atque inuito hæc accidit mutatio.

## §. XIII.

*Caput S. Ioannis Baptista in ferale conuiuium  
illatum, capite saltatricis vindicatur.*

Longè ego propemodum dixissem con-  
uiuium illud monstrosius extitisse, in quod  
*allatum est caput Ioannis Baptista in disco,* Matth.  
*& datum est puella, & attulit matri suæ, sal-* 14. 11.  
*taticula adulteræ.* Non voco caput inno-  
centissimi martyris monstrum, sed conui-  
uium tamen fuit monstrosissimum. Quis  
inter fercula cædes, inter pocula vulnera,  
funera inter conuiuia tractauit? *pugnare*  
*scyphis Thracum est;* & occidere in mensis  
Lapitharum. Herodes illo die, quo uiue-  
re & solem videre cœpit, fert sententiam  
mortis. Salax puella saltat, & pro mer-  
cede exigit Prophetæ caput. Mulier adul-  
tera sitit, & vult bibere humanum sangui-  
nem. Quis hoc vnquam audiuit? quis le-  
git? in regiam mensam, inter natalicias  
dapes, ferale apportatur ferculum, & in  
disco apponitur conuiuis caput Ioannis  
Baptista? Nonne hæc monstrosa sunt? &  
omnibus monstris detestabiliora? Ita ca-  
pitibus ludunt & illudunt homines, &

Deus capita non feriat, si capita peccent?

Nicepor. Immo ferit. *Furibunda enim* ( verba sunt  
 l. 1. Eccl. Nicephori ) & adultera incestaq<sub>3</sub>, adeò illa,  
 hist. c. 20. *quæ quidem Herodis habebatur, reuera an-*  
*tem Philippi erat coniux, vita longius acta,*  
*cùm priùs filiam & saltatricem acerbo fato*  
*sublatam vidisset, deinde ipsa quoque deceßit:*  
*futuri sæculi iudicio & supplicio reseruata me-*  
*ras ibi, quàm citissimè diuinæ iræ faces, into-*  
*lerabilisq<sub>3</sub> indignationis Domini calicem hau-*  
*stura. Filia autem eius ( dignum enim est, quod*  
*memoriæ commendetur) talis fuit obitus. Eun-*  
*dum ei quopiam brumali tempore erat, & flu-*  
*uius traiciendus: qui cùm glacie constrictus*  
*coagmentatusq<sub>3</sub> esset, pedes eum transibat. Gla-*  
*cie autem rupta, (idq<sub>3</sub> non sine Dei numine) de-*  
*mergitur illa statim, capite tenuis; & inferio-*  
*ribus corporis partibus lasciuens, molliusq<sub>3</sub> se*  
*mouens saltat, non in terra, sed in undis: caput*  
*verò frigore & glacie concretum, deinde &*  
*conuulneratum, & a reliquo corpore, non fer-*  
*ro, sed glaciei crustis resectum in glacie ipsa*  
*saltationem lethalem exhibet: spectaculoq<sub>3</sub> co-*  
*omnibus præbito, scelestum hoc caput in memo-*  
*riam ea, quæ fecerat, spectantibus reuocat.*  
 Quis enim tunc matri eius sensus, cùm ei  
 iam alterum caput afferretur atque in ma-

nus

nus traderetur? idque non inuisum, vt fuerat Ioannis Baptistæ, sed longè charissimum? Nonne & ipsa facinoris sui recordata agnouit diuinæ vindictæ æquitatem, viditque, *qua mensura mensa fuerat, eadem sibi remetiri?* Sed nihil vident impietate excæcati, percutiuntur, & non corriguntur. At quamuis pereant, geminum tamen ex illorum exitio bonum existit: siquidem ostendit eorū interitus, esse Deum iustum & metuendum, neque tamen sine clementia & bonitate. Nam eiusmodi pereuntium supplicia, aliorum sunt exempla.

Matth. 7<sup>o</sup>  
2.

§. XIV.

*Irrisor retorto collo præposterè videns punitus.*

Quale etiam fuit illud curuicercicum pecus, Iani infelix imago, homo verè præposterus, de quo in vita S. Ludouici Francorum regis legimus, eum in mirabile monstrum esse demutatum. Inter ceteras D. Ludouici Galliarum regis virtutes emi-  
nuit mirabilis quædam moderatio, & victoria mundanæ vanitatis. Non ille fulgere in auro, non in purpura atque ostro nitere amabat, sed vestitu communi ac simplici regiam tegebat dignitatem. Itaque  
S 3 ornatus,

Sur. tom.  
4. in vita  
S. Ludouici.